



AIZARNAZABALEN (GIPUZKOAN), ZUBIALDE S.A. PLANTAREN ONDOKO LURRETAN HONDAR- ETA BASO-BIOMASA USTIATZEKO INSTALAZIO BATEN HASIERAKO EGITASMOGAIAREN KONTRATAZIOA

ESPEDIENTE ZENB.:
EER/11/008

ESKAINITZA ESKAERA

Bilbon, 2011ko maiatzaren 30ean
Javier Marqués Gonzalez jn.
EEEko Energia Berriztagarrien Saileko zuzendaria



KARATULA

ADJUDIKATZEKO ERA: Eskaintzen eskabidea.

ESPEDIENTE ZENB.: EER/11/008

A. KONTRATUAREN XEDEA

Aizarnazabalen (Gipuzkoa) Zubialde, S.A. plantaren ondoko lurretan hondar- eta baso-biomasa ustiatzeko instalazio baten hasierako egitasmoa prestatzeko laguntza teknikoko zerbitzuak kontratatzea.

B. ORGANO KONTRATATZAILEA

Energiaren Euskal Erakundea (EEE), honako helbide hau duena: Bizkaia plaza eraikina. Urkixo zumarkalea, 36 – 1. solairua. 48011 Bilbo..

- o I.F.Z.: Q-5150001E
- o Arduradun teknikaria: Gloria Etxebarria
- o Telefonoa/faxa/posta elektronikoa: 94-4035642/ 94-4035699 / getxebarría@eve.es

C. LIZITAZIOAREN GEHIENKO PREZIOA ETA AURREIKUSITAKO KONTRATUAREN BALIOA

- Lizitazioaren gehieneko prezioa: 20.000 € (BEZa gabe)
- Aurreikusitako kontratuaren balioa: 20.000 € (BEZa gabe)

D. IZAPIDEA

Ohikoa.

E. PROPOSAMENAK JASOTZEKO EPEA

Eskaintzak edo proposamenak 2011ko ekainaren 20ko 12:00ak (12) arte jasoko dira.

F. PROPOSAMENAK AURKEZTEKO LEKUA

Proposamenak EEEren bulegoetan aurkeztuko dira, Gloria Etxebarriari zuzenduak, honako helbide honetan: Bizkaia plaza eraikina. Urkixo zumarkalea, 36 – 1. solairua. 48011 Bilbo.

G. BEHIN-BEHINEKO BERMEA

Ez dagokio.

H. BEHIN BETIKO BERMEA

Ez dagokio.

I. PREZIOEN BERRIKUSPENA

Ez dagokio.

J. ZERBITZUA GAUZATZEKO LEKUA ETA EPEA

- Epea: Lanak amaitzeko eta azterlana entregatzeko aurreikusten den data hau da: 2011/9/30
- Lekua: EAE.

K. BERME EPEA

Ez dagokio.



L. PUBLIZITATEAREN GASTUAK

Ez dagokio.

M. ALDAGAIEN ONARPENA

Ez dagokio.

N. KAUDIMEN EKONOMIKOA, FINANTZARIOA ETA TEKNIKOA

Ez dagokio.

O. ADJUDIKATZEKO IRIZPIDEAK

Esleipena erabakitzeke erabiliko diren irizpide orokorrak hauexek dira:

Irizpidea	Deskribapena	Puntuak
B gutun-azala. Proposamen teknikoa		
METODOLOGIA	Metodologia eta lan programa	25
LAN TALDEA	Lan taldea, gaitasuna	15
HOBEKUNTZAK	Proposatutako hobekuntzak, gauzatzeko epea barne	5
C gutun-azala. Proposamen ekonomikoa		
PREZIOA	Lanen balioespen ekonomikoa	55
GUZTIRA		100

Eskaintza ekonomiko orokorrean izango den guztizko prezioa honako prozedura hau aplikatuz balioetsiko da:

- Batez besteko eskaintza kalkulatzeko, eskaintza guztien batez bestekoa hartuko da. Batez besteko horri dagokion eskaintza baliokide bati 27,5 puntu emango zaizkio.
- Eskaintza hori hobetzen den ehuneko puntu bakoitzeko puntu gehigarri bat jasoko da; eskaintza horretatik desbideratzen den ehuneko puntu bakoitzeko, aldiz, puntu bat gutxiago jasoko da.
- Puntuen frakzioen ehunekoen arteko aldeek heien berean izango dute puntuen gehikuntza edo kenketa (kasuan kasu).
- Puntuazioa kalkulatzeko hamartar bat erabiliko da.
- Nolanahi ere, gehieneko puntuazioa ez da 55 puntu baino gehiago, ezta zero puntu baino gutxiago ere.

P. ZIGORTZEA

Plegu honetan aurreikusten direnak.

Q. LUZAPENA

Ez dagokio.



R. LANAK ZATIKA JASOTZEA

Ez dagokio.

S. PREZIOAREN ORDAINKETA

Faktura aurkeztuta eta EEEn oniritzia izan eta gero. Honako epe ahautetan egingo dira ordainketak:

- % 30 kontratua sinatzean
- %70 azterlanen emaitzak jasotzean, EEEn oniritziarekin

T. HIZKUNTZA BALDINTZAK

Kontratu hau Euskal Autonomia Erkidegoko 6. artikuluan eta azaroaren 24ko 10/1982 Oinarrizko Legean (euskararen erabilera arautzekoa) eta hura garatzen duen araudian xedatutako hizkuntza ofizialtasun bikoitzaren mende dago.

Bi hizkuntza ofizialak erabiltzea kontratuaren gauzatze baldintzetako bat da. Hala, bada, betetzen ez bada, kontratu honetako edozein klausula ez betetzeagatik aurreikusi diren ondorioak aplikatuko dira; ez bada, gauzatu beharreko kontratuak berezko dituen ezaugarriek eskatu egiten dutela nahitaez beste hizkuntza bat edo batzuk modu eskusiboan erabiltzea. Dena den, neurri horrek kontratuaren baldintza orrian edo pleguan agertu beharko du.

U. KONTU FISKALEI, INGURUMENARI, EMAKUME ETA GIZONEN ARTEKO BERDINTASUNARI, ENPLEGUA BABESTEARI, LANEKO BALDINTZEI ETA LANEKO ARRISKUAK PREBENITZEARI BURUZKO INFORMAZIOA.

Kontratu honetan interesa duten enpresek fiskaltasunari buruzko informazioa lor dezakete Foru Aldundietan.

Eusko Jaurlaritzaren Justizia, Enplegua eta Gizarte Segurantza saileko Lana eta Gizarte Segurantza Zuzendaritzan egongo da enplegua babesteari, laneko baldintzei nahiz laneko baldintzei buruzko gaietan indarrean diren xedapenei buruzko informazioa. Horiek guztiak gehi kontratuaren agirietan aurreikusi klausula gehigarriak aplikatzekoak izango dira kontratua exekutatzeko orduan.

Eusko Jaurlaritzako Ingurumena eta Lurraldearen Antolamendua saileko Ingurumen sailburuordetzan egongo dira –IHOBE sozietate publikoaren bidez– kontratua exekutatzeko aplikatzekoak diren ingurumen auziei buruzko indarreko xedapenen informazioa eta kontratuko agirietan aurreikusi klausula gehigarriak.

Horrela, EMAKUNDE-Emakumearen Euskal Erakundearen aurkituko dute emakumeen eta gizonen arteko berdintasun gaietan indarrean diren eta kontratua exekutatzeko orduan aplikagarriak diren xedapenei buruzko informazioa.



OINARRIZKO BALDINTZAK

1. ARAUBIDE JURIDIKOA

1.1. Kontratuaren araubide juridikoa:

- Oinarrizko Baldintzen Plegu honetan eta bere karatulan zehaztutakoa, baita Zehaztapen Teknikoen Txostenean jasotzen dena ere. Horrekin batera, Energiaren Euskal Erakundeak (“**EEE**”) onartutako Kontratatzeko Barne Jarraibideetan adierazitakoa (“**KABI**”) eta Kontratatzailearen Profila atalean argitaratua (www.eve.es) eta esleipendunarekin sinatuko den kontratuan jasoko diren baldintzekin eta itunekin bat etorri.
- Sektore Publikoko Kontratuei buruzko urriaren 30eko 30/2007 Legearen arabera (“**SPKL**”). Plegu honen klausuletan adierazten diren gaiak dagokienez, soil-soilik.
- Urriaren 12ko 1098/2001 Errege Dekretuaren arabera, Administrazio Publikoen Kontratuen Legearen Araubide Orokorra onartzen duena (aurrerantzean “**HAKLEO**”), aurreko puntuan azaldutako gaiak dagokienez.
- Zuzenbide Pribatuaren arauak aplikagarriak izango dira kontratuaren interpretazio, ondorio, betetze eta amaierari doazkien gaiak ebazteko.

1.2. Lanak egiten arituko diren langileei dagokienez, enpresaburu kontratatzaileek bete beharko dituzte indarrean dagoen lan eta gizarte legeria.

1.3. Kontratuaren edozein alderditako ezjakintasunak edo bertan bildutako dokumentuak eta eranskinak edo itundutakoa gauzatzean zerikusia izan dezakeen Administrazioak xedatutako arau, plegu eta aginduen gaineko ezjakintasunak ez du kontratista edo enpresaburua salbuetsiko kontratua betetzeko obligaziotik.

2. KONTRATUAREN HELBURUA

Kontratuaren helburua Plegu honen Karatularen “**A**” **ATALEAN** adierazia da. Hori guztia baldintza teknikoaren arabera, Zehaztapen Teknikoen Txostenean adierazten dena. Plegu honetan jasoko dena, I. eranskina, eta betetzeko eska daitezke. Beraz, aipatutako proiektua kontratuan sartuko da eta alde guztiek bete beharko dute.

3. LIZITAZIOAREN AURREKONTUA, AURREIKUSITAKO BALIOA ETA KONTRATUAREN PREZIOA

a) Kontratu honen lanak gauzatzeko gehieneko prezioa Plegu honen karatulako “**C**” **ATALEAN** adierazitakoa izango da.

b) Aurreikusitako balioa Plegu honen karatulako “**C**” **ATALEAN** azaltzen da, aurreikusitako balioa kalkulatzeko, SPKLen 76. artikulua xedatutakoa kontuan hartu da, BEZa gabe.

c) Kontratuaren prezioa esleipenaren ondorioz aterako dena izango da, eta diru-sail independente gisa sartuko du BEZa.

Kontratuaren prezioan gainerako zergak, tasak eta era guztietako kanon aplikagarriak sartuta daudela ulertuko da, bai eta Plegu honetan bildutako betebeharrak betetzeak kontratistari ekarri ahal dizkion gastu guztiak ere (gastu orokorrak, finantzarioak, onurak, aseguruak, garraioa eta joan-etorriak, berarentzat lan egiten duen pertsonal teknikoaren ordainsariak, bisak, etab.).

d) Enpresa esleipendunak ordainduko ditu gainerako gastuak, kontratuan azaltzen diren lanak behar bezala egiteko, eta beraz, EEEK ez ditu ordainduko, I. eranskinean ageri den Zehaztapen Teknikoen Txostenaren arabera.

4. ADJUDIKATZEKO ERA

Kontratua eskaintza eskaera erako prozeduraz esleituko da, eta aurkeztuko diren



proposamen guztien artean, puntuazio handiena jasoko duen proposamenaren egileari adjudikatuko zaio zuzenean, karatulako **“O” ATALEAN** azaltzen diren irizpideei jarraiki.

5. PREZIOEN BERRIKUSPENA

Karatulako **“I” ATALEAN** zehazten dena beteko da.

6. GAUZATZEKO EPEA

Gauzatze epea Plegu honen Karatulako **“J” ATALEAN** adierazitakoa izango da.

Karatulako **“Q” ATALEAN** hala aurreikusten baldin bada, kontratua amaitutakoan, alde guztien oniritziarekin, kontratua luza daiteke. Luzatzekotan, epea ez litzateke karatulako **“J” ATALEAN** aurreikusitakoa baino luzeagoa izango.

7. PROPOSAMENAK AURKEZTEA

Proposamenak bidaltzeko era eta epeak Karatulako **“F” ATALEAN** adierazitakoari jarraiki egingo da.

Proposamenak aurkezteko epea 2011ko ekainaren 20ko hamabiak (12:00) arte izango da.

Lizitatuzaileak postaz bidaltzen badu eskaintza, bidalketa posta-bulegoan zer egunetan egin zuen kreditatu beharko du, eta kontratazio-organoari jakinarazi beharko dio, egun bertan, eskaintza bidali duela. Ez badira bi baldintza horiek betetzen edo bidali izanaren jakinarazpena baldintza honetan adierazitako gehienezko epea igarota egiten bada, ez da eskaintza onartuko.

Eskaintzarik eginez gero, enpresariak baldintzarik gabe onartuko dituzte dokumentu honetako klausula guztiak, eta eskaintza horri ardurapeko adierazpen bat erantsiko diete, EEERekin kontratatze baldintza guztiak betetzen dituztela esanez.

Lehiaketatik edo lizitaziotik at geratuko dira jarraian aipatzen diren kasuren batean baldin badaude, EEER behar bezala arrazoitu ondoren:

- a) Dokumentazioa epez kanpo aurkeztea.
- b) Eskatutako gaitasun enpresarial/ profesionala egiaztatze agiririk ez aurkeztea.
- c) Dokumentu honetan eta Zehaztapen Teknikoen Txostenean ezarritako baldintzaren bat ez betetzea.
- d) SPKLen xedatutako baldintzaren bat ez betetzea.

8 PROPOSAMENEN EDUKIA

8.1 Dokumentazio administratiboa.

Dokumentazio orokorrari dagokionez, Eusko Jaurlaritzako kontratisten erregistroan erregistratuta dauden lizitatuzaileek eta Estatuko lizitatuzaileen eta enpresa sailkatuen erregistro ofizialean erregistratuta daudenenak nahikoa izango dute erregistratuta izatearen ziurtagiriaren kopia aurkeztea. Horrekin batera, ardurapeko adierazpen bat aurkeztu beharko dute, erregistroan adierazitako datuak baliozkoak direla eta indarrean daudela bermatuz. Horrekin batera, IV. eranskina behar bezala bete beharko da

Adierazitako erregistroetan erregistratuta ez daudenenak agiri hauek aurkeztu beharko dituzte:

- a. Proposamena aurkezten duen pertsonaren nortasun agiri nazionala edo haren baliokide den agiri fede-emaila, eta beste pertsonaren baten izenean agertzen



- edo proposamenak izenpetzen dituzten pertsonak, berriazko ahalorde askietsia ere aurkeztu behar dute.
- b. Pertsona juridikoak diren enpresarien jarduteko gaitasuna kreditatzeko, haien eraketa-eskritura edo aldaketakoa aurkeztu behar dute. Eskritura horrek merkataritza-erregistroan inskribatuta egon beharko du, baldin eta hari aplikagarri zaion merkataritza-legediak hala eskatzen badu. Hala ez balitz, jarduteko gaitasuna kreditatzeko, eraketaren eskritura edo agiria, estatutuak edo sorrera-egintza aurkeztu beharko dituzte. Bertan, jarduera arautzeko arauak agertu beharko dira, eta behar bezala inskribatuta egon beharko dira kasuan kasuko erregistro publikoan.
 - c. Jarduteko gaitasuna kreditatzeko, kontratatze adina ahalmen ematen duen ahalorde askietsia aurkeztu beharko dute, aurreko atalean xedatutakoa betez.
 - d. Ardurapeko adierazpena, ahalmen dutako pertsona batek izenpetua, eta behar bezala adieraziko duena enpresariak ez duela Sektore Publikoko Kontratuen Legeko 49.1. artikuluan araututako debeku, ezgaitasun edo bateraezintasuneko kausarik betetzen. Alderdi hori kreditatzeko, beteta eta izenpetuta aurkeztuko dituzte baldintza-orri honetako II. eranskina.
Adierazpen horretan, berriaz azaldu beharko dute egunean betetzen dituztela zerga-betebeharrak eta gizarte-segurantzarekikoak. Horrez gain, hautatutako enpresaburuak alderdi horiek betetzen dituela kreditatu beharko du kontratua formalizatu baino lehen.
 - e) IV. eranskina behar bezala beteta aurkeztea.

- Kaudimen ekonomikoa eta finantzarioa.

1. Finantza-erakundearen txostena, edo, haren ezean, arrisku profesionalen kalte-ordainerako aseguru bat izatearen frogagiria.
2. Negozioen bolumenari buruzko adierazpena, edo haren ezean, kontratu honi lotutako jarduerekin zerikusia duten jardueren negozioaren bolumenarena, azken urtean izandakoen datuei dagokienez.

- Kaudimen teknikoa edo profesionala

1. Azken bi (2) urtean honen antzeko ezaugarriak dituztenen kontratu nagusien zerrenda, haien prezioak, datak eta onuradunak adieraziz.
2. Hemen azaltzen diren lanak aurrera eramateko, lan taldearen deskribapena, alor horretan duten esperientzia eta gaitasuna adieraziz.

8.2 “B” gutun-azala: Eskaintza teknikoa.

Lizitatuzaileak honako dokumentazio tekniko hau aurkeztuko du:

- a) Metodologia eta lan programa.
- b) Lan aldea eta gaitasuna.
- c) Proposatzen diren hobekuntzak.

Adierazitako agiri horietakoren bat faltako balitz edo ez badira zorrotz betetzen aurreko ataletan adierazitako alderdiak, eskaintza bazter uzteko aukera izango da.

8.3 “C” gutun-azala: Eskaintza ekonomikoa.

Baldintza-orri honetako III. ERANSKINEAN jasotako proposamen-ereduari jarraituko zaio (prezioak ezingo du gainditu aurrekontuari ezarri zaion gehienezko zenbatekoa), eta zehaztutako teknikoaren txostenak adierazitakoa beteko du. Aparteko kontu-sail batean jasoko da balio erantsiaren gaineko zerga.



Proposamen ekonomikoa bide mekanizatuak erabiliz idatziko da eta izenpetuta aurkeztuko da; horiek horrela, ez dira onartuko gabeziak edo akatsak dituzten proposamenak, ezta eskaintzaren edukia zein den argitasunez jakitea eragotz dezaketen marraketak dituztenak. Alderik balego zenbakiz eta idatziz jasotako zenbatekoen artean, azken hori gailenduko da.

9 KONTRATISTA AUKERATZEA

- 9.1 Eskaintzak baloratu eta enpresaburu esleipenduna hautatzeko gehienezko epea hamabost (15) egunekoa izango da, proposamenak aurkezteko epea amaitzen den egunetik aurrera. Epe hori igaro ondoren, erabakia jakinarazi ez bada, lizitatzailleek, egoki irizten badute, beren proposamenak erretiratzeko asmoa dutela jakinaraz dezakete.
- 9.2 Eskaintzak jasotzeko epea amaitua ondoren, kontratazio-organoak aurkeztuko diren proposamenak aztertuko ditu, karatulako **“O” ATALEAN** adierazten diren irizpide ekonomikoak eta teknikoak kontuan izanik.
- 9.3 Kontratuaren esleipenaren berri emango zaie lizitatzaille guztiei.
- 9.4 Kontratua sinatu aurretik, zenbait agiri aurkeztu behar dizkio EEERi hautatutako enpresaburuak. Horretarako, zazpi (7) egun balioduneko epea izango du gehienez, agiri horiek eskatzen zaizkion unetik aurrera. Hauek dira agiriok:

a) Zerga-betebeharrak

Ziurtagiri positiboa, foru-aldundiak emandakoa, edo bestela, Zerga Administrazio Estatuko Agentziak emana, administrazioarekin zerga-betebeharrei lotutako zorrik ez duela egiaztatzen duena, edo tokiko erakundeak emana, hari dagozkion zergen inguruan.

b) Gizarte Segurantzarekiko betebeharrak

Ziurtagiri positiboa, Gizarte Segurantzaren Lurralde Altxortegiak emandakoa, Gizarte Segurantzarekiko zerga-betebeharrak egunean betetzen dituela zerga-betebeharrak egunean betetzen dituela adierazten duena, edo hori aurkezteko betebeharrak ez duen ardurapeko adierazpena.

c) Jarduera Ekonomikoen gaineko Zerga

Jarduera ekonomikoen gaineko zergako alta-agiria edo zerga horretako azken erreziboa aurkeztu behar du, eta, horrekin batera, ardurapeko adierazpen bat aurkeztuko du zerga horretan bajarik ez duela hartu azalduz. Aurkeztu behar ez baldin badu, hori egiaztatzen duen agiria aurkeztuko da.

d) Aseguru enpresak egiaztatuta aseguru guztien egokitzapena, estaldura eta indarrean dauden dokumentuak, dokumentu honetako 18. atalean jasotzen diren baldintzen arabera.

e) Behin betiko bermea ezarri izanaren egiaztatzea, karatulan hala aurreikusten baldin bada.

f) Beste dokumentu batzuk. Kontratatzeko gai den egiaztatzen duen gainerako dokumentazioa, edo kontratua aurrera eramateko konprometitutako bitartekoak egiaztatzen dituzten dokumentuak.

10 KONTRATUAREN FORMALIZAZIOA

Kontratuaren formalizazioa enpresariari bere eskaintza onartua izan dela jakinarazi ondorengo egunean hasiko da, eta zazpi (7) egun naturaleko epean egingo da.

Kontratuaren formalizazioaren bitartez, EEERi kontratuzko onarpena adierazten du eta modu horretara, kontratua perfektionatzen da.

Kontratua ezin izango da formalizatu enpresariak dokumentu honetan zehazten diren dokumentu guztiak aurkezten ez baditu.

Kontratua enpresariari egotz dakizkion arrazoiengatik formalizatuko ezin balitz, EEERi behin-behineko bermea konfiskatzeko eskubidea izango du, horrelakorik izango balitz. Behin-behineko bermerik ez balego, enpresariak EEERi kalte-ordaina eman beharko



dio. Kalte-ordaina gehienez ere kontratuaren aurrekontuaren ehuneko hirukoa izango da.

Kontratua dokumentu pribatuan formalizatuko da, eta formalizazio horretatik eratorritako gastu eta zerga guztiak hautatutako enpresariak ordaindu beharko ditu.

Esleipendunak isilean gorde beharko ditu kontratua dela eta ezagutuko dituen eta kontratuarekin zerikusia duten ezkutuko datu eta aurrekari pribatuak.

11 KONTRATUA GAUZATZEA

- a) Kontratua klausuletan ezarritakoari atxikita beteko da, eta kontratazio-organoak, honen ordezkariak edo kontratuaren arduradunak kontratistaren esku utz ditzakeen interpretazio jarraibideen arabera.
- b) Kontratua kontratistaren arrisku eta zoriaz beteko da.
- c) Kontratistak bere gain hartuko du garatutako lanen eta burututako eginkizun eta zerbitzuen kalitate teknikoaren ardura, baita EEErentzat edo hirugarrenentzat kontratua betetzean gerta daitezkeen hutsegite, akats, metodo desegoki edo ondorio okerrek eragindako ondorioen erantzukizuna ere.
- d) Kontratua behar bezala betetzeko, kontratistak konpromisoa hartzen du informazio osagarria eta laguntza teknikoa emateko (dokumentuak eta mota guztietako informazioa).
- e) Lanak egiten diren bitartean, kontratuaren aplikazio zuzenaren eta istripu edo kalteen, pertsonen, materialei eta hirugarrenei gerta dakizkienak, ardura kontratistarena izango da.
- f) Kontratua indarrean dagoenean eta kontratua amaitu ondoren, kontratista derrigortuta dago isilpeka gordetzera kontratuaren helburuekin zerikusia duten datu eta aurrekariak, bereziki jakinak eta agerikoak ez direnak, baita kontratua bete ahala ezagut ditzakeenak ere.
- g) EEEK ez dio ordainduko kontratistari kontratuan zehaztuta ez dagoen ezein lan edo kontratazio-organoak edo kontratuaren arduradunak aldeztatik baimendu ez duen ezein lan.

12 KONTRATUAREN ALDAKETA

- a) EEEK kontratua aldatu ahal izango du, SPKLeko 1 Liburukiaren V. Tituluaren arabera, eta lege horretako 272 artikuluari jarraiki.
- b) Esleipendunak edo kontratistak ezin izango du inolako aldaketarik egin kontratuaren xedeari dagokionez, aldeztatik adostasunez egin ez bada, eta hala badagokio, kontratazio-organoak ezarritako aurrekontuaren gainean. EEEren oniritzia edo baimena ez duten aldaketek erantzukizuna ekarriko diote kontratistari, eta horiek eragin ditzakete gastuak kontratistaren kontura joango dira.

13 KONTRATUAREN LUZAPENA

Karatulan aurreikusten diren baldintzak betez luza daiteke kontratua.

Aurreikusitako luzapenak gertatuko balira, kontratuaren prezioa hasieran zehaztutakoa izango litzateke, baina, luzapeneko urte bakoitzean berraztertu egingo da eta urteari dagokion KPIren %85 aplikatuz. KPIa Estatistikako Institutu Nazionalak ezarritakoa izango da (SPKLen 78.3 art.).



14 PREZIOAREN ORDAINKETA

Kontratatistak EEEren adostasunarekin burututako eta emandako lanengatik ordainsaria jasotzeko eskubidea izango du, lanei dagozkien fakturak aurkeztuta.

Karatulan adierazten da prezioaren ordainketa nola egingo den.

Dagokion kontratua formalizatu aurretik ezin izango da inolako ordainketarik egin.

Kontratuaren arduradunak emandako berriarazko baimena jaso ezean, kontratatistak ez du egindako hobekuntzak kobratzeko eskubiderik.

Dokumentu honetan jasotzen den bezala, EEEK kontratatistari ezarri ahal dion zigor ekonomikotik prezioa kentzeko eskubidea du.

15 EPEAK ETA BERANDUTZEAGATIKO ZIGORRAK

a) Kontratatista derrigorlortuta dago kontratua Karatulan finkatutako epeetan gauzatzera; baita proposamen teknikoarekin batera aurkeztutako lan-plangintzan jasotzen dena ere.

b) Kontratatista edozein epean berandutu egin dela jotzeko, ez da beharrezkoa izango EEEK alde aurretik ohartarazpenik egitea. Atzerapen horiei dagozkien zigorrak EEEK ezarriko ditu automatikoki.

c) Kontratatistak ordaindu egin beharko ditu zigor edo kalte-ordaina, hari egotz dakizkikeen arrazoiengatik luzatzen bada. EEEK eskubidea izango du, lanaren zenbateko ekonomikoaren %20ko zigorra ezartzeko, halakorik gertatuz gero.

Zigorren zenbatekoak ez du kanpo uzten EEEK kontratatistaren berandutzeagatik sortutako kalte-galerak direla kausa eska dezakeen kalte-ordaina, ez eta EEEK kontratua suntsiarazteko duen eskubidea ere.

d) Era honetako zigorrak ezartzeko prozeduran kontratatistari alegazioak egiteko aukera eman beharko zaio derrigorrez, kontratuaren arduraduna entzun ondoren.

16 KONTRATISTAK KONTRATUA AKATSEZ BETETZEA EDO ZATIKA BETE GABE UZTEA

EEEk zehaztuko du kontratatistak egindako lana gauzatzeko eta betetze-aldiari begira ezarritako preskripzioekin bat datorren ala ez, eta behar izatekotan, kontratatutako zereginak bete ditzala edota harrera aldian igarritako akatsak konpon ditzala eskatuko dio. Zuzenketa horiek egiteko epea zazpi (7) egunekoa izango da gehienez ere.

Egindako lanak ez badatoz bat kontratatutako zereginekin, kontratatistari egotz dakizkikeen akatsak edo hutsegiteak medio, EEEK lan horiek errefusatu eta ordainketa egiteki salbuetsita geratzeko aukera izango du, eta horrekin batera, kontratua bera indargabetu ahal izango du, eta kontratatistari, zigor gisa, hitzartutako azken prezioaren %20 euro eskatu ahal dio.

Zigor horien barruan ez daude, kalte-ordain moduan, EEEK jasotzeko eskubidea izan dezakeen diru kantitatea, kontratatistak epeak eta beste ez betetzeagatik sor daitezkeen kalteen ondorioz.

17 KONTRATISTAREN BETEBEHARRAK

17.1 Lan arriskuen prebentzioa



Esleipendunak bete eta bere ardurapeko langileei betearaziko dizkie lan legeriak arriskuen inguruan xedatutako arau guztiak; baita aplikagarria zaien Lan Ituna, eta bereziki, Lan Arriskuen Prebentzioaz diharduen azaroaren 8ko 31/1995 Legeak dioena bete eta betearaziko du.

17.2 Betebehar laboral eta sozialak

a) Kontratatistak, esleitu zaion lana egiteko kontratatzen dituen langileei dagokienez, indarrean dagoen gai laboralei buruzko araudia eta Gizarte Segurantzari, ezinduen integrazio laboralari eta lan-arriskuen prebentzioari buruzko araudiak bete behar ditu. Gizarte-formazioarekin zerikusia duten azken araudi horien kasuan, azpikontratatuak –halakorik izanez gero– bere langileei dagokienez, indarrean dagoen gai laboralei buruzko araudia beteko duela ziurtatu behar du kontratatistak.

b) Kontratu hau betetzeko aplikagarria diren heinean, kontratatistak espresuki adierazi behar du higiene, segurtasun eta ingurumen alorreko araudi eta legeak bete eta betearazteko bitartekoak, gaitasuna eta ezagutza dituela, eta kontratua betetzean horrelako gaien inguruan gerta litezkeen erreklamazioei aurre egiteko konpainiak ez du inolako ardurarik.

c) Kontratatistak bere menpeko langile guztiei babesteko ekipo homologatuak eman behar dizkie, kontratuan aurreikusten diren lanen segurtasunak edo arriskuak hala eskatzen badu, aplikagarria izan dakioken lan arriskuak prebenitzeko planaren arabera. Horrekin batera, langile horiek ekipoak behar bezala erabiltzeko prestakuntza jaso dutela bermatu behar du.

d) Kontrartista behartuta dago lana baldintza duinetan egiten dela bermatzera, bai bere enpresan, bai hark azpikontratutako enpresetan (halakorik izanez gero). Horrez gain, langileei dagokien sektoreko hitzarmenak beteko dira, batez ere pertsonalaren subrogazioari dagokionez.

e) Lanei atxikitako beharginek kontratistaren menpe jardungo dute, eta honek enpresariari dagozkion eskubide eta betebeharrak izango ditu beharginen gainean.

f) Kontratu hau sinatzeagatik EEEk ez du inolako betebehar eta erantzukizunik izango gizarte eta lan betebeharren inguruan, legez kontratatistak bere menpeko langileekin dituenak, alegia. Nolanahi ere, kontratatistak konpromisoa hartzen du EEEri erreklamaziorik ez eskatzeko, haren langileek edo beste batek aipatutako betebeharrak izan ditzaketan arazoan aurrean.

g) Orokorrean, kontratatistak aurre egin beharko die enplegatzaile gisa dagozkion betebeharrei, bai eta kontratatistak edo honen azpikontratatistek langileekin dituzten lan-harremanak edo bestelakoak erregulatu eta garatzen dituzten arauak betetzetik datozkienei ere, eta EEEri ez zaizkio leporatuko horietako edozein ez betetzeak sor ditzakeen isun, zigor edo bestelako erantzukizunak. Edozein kasutan, kontratatistak oso-osorik ordainduko dio EEEri. Plegu honetako betebeharrak ez betetzeak zehaztuta daukan kalte-ordaina, nahiz eta ebazpen judizial edo administratiboak ezarritakoa izan.

h) EEEk hala eskatzen badio, kontratatistak dokumentatuta egon daitezkeen betebeharrak betetzen direla egiaztatzen duten dokumentu guztiak aurkeztuko dizkio. Aurkezten ez badio edo justifikatu gabeko luzapena gertatzen bada, kontratuan ezarritako betebehar bat ez dela betetzen ulertuko da, eta, beraz, EEEk kontratua bertan behera uzteko eskubidea izango du, 26. klausulan edo atalean adierazten den moduan.



- i) Kontratua iraungita, ezin izango dira inola ere EEEko langile bihurtu kontratuan zehaztutako zereginetan jardun duten beharginak.
- j) Kontratatari egokituko zaizkio, eta bere kontura joango dira, kontratua betearazteak ekarri ahal dizkion kostu guztiak.
- k) Behar bezala justifikatuta ez dauden atzerapenak edo dokumentazioa ez aurkezteak ekarriko du kontratua ez betetzea, eta, beraz, EEEK bertan behera utz dezake kontratua, 26 atalean jasotzen den moduan.

17.3 Ingurumenari buruzko betebeharrak

Kontratatariak eta bere ardurapeko azpikontratek egingo dituzten lan guztietan saihestuko dituzte kalte edo eragin kaltegarria ingurumeneari, animalietan eta landareetan, eta egin beharreko lanen ondorioz eragingo diren gorabehera edo kalteak ekiditeko edo murrizteko erabaki edo neurri guztiak hartuko ditu.

Ingurumen alorrean agintari eskudunek emandako eta ezarritako lege, araudi eta gomendio guztien arabera egingo ditu lan guztiak kontratatariak. Horretaz gain, EEEK eman ditzakeen arau guztiak ere beteko ditu, eta bete ezean, kontratista bera izango da arduradun bakarra.

17.4 Hirugarrenen baimenak

EEEk bere kabuz egin ditzakeen kontratuzko eragiketak eta kudeaketa-lanak alde batera utzita, kontratatariak bere lana egiteko beharrezkoak diren baimen eta lizentziak lortu beharko ditu, haiek norbanakoei, elkarteei, enpresei eta erakundeei eskatuz. Baimen horiek lortzeko zerbait ordaindu beharko balitz, diru-kopuru hori ere kontratatariak ordaindu beharko du.

18 ASEGURUAK

Kontratatariak honako aseguru hauek eduki behar ditu:

- a) Erantzukizun zibil profesionalaren aseguruak. Aseguru honek EEErentzat diharduten profesionalak (abokatu, ingeniari, ingeniari teknikoek...) beste bati eragin ahal dizkioten kalte edo zauriak, pertsonalak edo materialak, estaltzeko bermea eman behar du.

Aseguru hau ospe handia duen aseguru enpresa batekin sinatu behar da, eta gutxieneko kalte-ordaina ez da 300.000 euro baino txikiagoa izango.

1.- Kontratuari lotutako lanei ekin aurretik, kontratatariak egindako aseguruaren kopia edo egiaztagiria emango dio EEEri, eta horien baldintzei eta indarraldiari lotutako aldaketen berri eman beharko du. Baldintza horiek aldatuko lirateke, behar izanez gero, EEEren iritziz.

2.- Kontratatariak dokumentu honetan aipatzen diren aseguruak kontratatzen ez baditu, edo aseguruak indarrean daudela egiaztatzen dituzten agiriak hogeita hamar (30) egun naturaleko epean aurkeztu ezean, EEEK aseguru horiek egiaztatzeko agiriak aurkezteko eskatzen duen egunetik kontaktzen hasita, ordainduta daudela argi nabarmenduz, EEEK eskubidea izango du antzeko estaldura izango duten aseguruak kontratatatzeko, eta horien kostuak kontratatzailearen kontura joango dira eta, hala dagokionean, EEEK kontratatari egin beharreko ordainketatik kenduko dira.

3.- Aseguruaren inguruan kontratatari begira ezarritako eskakizun guztiak azpikontratatari ere eragingo dizkiete, betiere modu egokian eta arriskuen proportzionaltasunaren arabera, eta alor honetan hutsune edo gabeziaren bat izanez gero, EEEri eman beharko dizkio azalpenak.



4.- Aipatutako aseguru edo polizetan aldaketarik izanez gero, bertan behera edo berritzeak egiten badira, adibidez, kontratistak EEEri jakinaraziko dio. Era berean, EEEK hala eskatzen baldin badio, kontratistak aseguruaren kontratuen kopia eta ordainduta daudela egiaztatzen dituzten dokumentuak erakutsiko dizkio. Kontratistak egiaztatzen edo bidaltzen ez baditu eskatutakoa, bere aldetik kontratua ez betetzea lekarke.

5.- Kontratistaren kargura izango diren arrisku, betebeharrak eta erantzukizunak ez dira mugatzen klausula honetan aipatzen diren aseguruaren kontrataziora. Hori horrela, hartutako arriskuetatik erator daitezkeen betebeharrak eta erantzukizunak ez dira soil-soilik sinatutako aseguruaren zenbatekoetara mugatuko, EEEren edo besteren kaltean gauzak gertatuz gero.

6.- Atal honetan aipatutako aseguru guztien kostua kontratistak ordaindu beharko du.

19 EGINDAKO LANEN JABETZA ETA DATU PERTSONALEN ERABILERA

19.1 Egindako lanen jabetza

EEEren jabetzapekoak izango dira jasotako zerbitzua eta egindako lanei dagozkien eskubideak, baita hauen jabetza industrial eta komertziala ere, EEEren esku egonik horien erabilera, beste inork merkaturatu, berregin edo beste era batez erabiltzeko aukerarik izan gabe EEEK espresuki baimentzen ez badu, eta ondorioz, honek jabetzari dagozkion agiri edo materialak ematea eskatu ahal izango du, aurrekariak, datuak eta prozedura guztiak barne.

Jabetza intelektual edo industrialaz babestutako produktuak garatzea eta erabiltzeko moduan jartzea xede duten zerbitzu-kontratuek EEEren esku utziko dute aipatutako jabetza intelektual edo industrialak.

Jabetza intelektualari atxiki dakizkiokeen lanak EEEri eskusibaz emandakoak direla ulertuko da, salbu eta aldez aurretiko eskubideak dauden kasuetan, halakoetan emakida eskusibotasunik gabe egin daiteke eta.

Kontratua indargabetu ahal izango da, baldin eta egiaztatzen bada kontratistak kontratugaitzat jo daitezkeen lana, osorik nahiz zatika, hirugarrenen esku utzi duela EEEren baimenik gabe. Kontratua indargabetzeko kausa hau gertatzen bada, kontratistak kontratua bete gabe utzi duela ulertuko da ondorio guztietarako.

19.2 Datu pertsonalen erabilera

Datu pertsonalen erabileratzat honako jarduerak hartuko dira: izaera automatizatua izango duten ala ez eragiteka eta prozedura teknikoak, zeinen bidez datuak bildu, grabatu, gorde, prestatu, aldatu, blokeatu eta deuseztatzea ahalbidetzen duten. Halaber, komunikazio, kontsulta, interkonexio eta transferentzien bidezko datu konexioak, baldin eta horiek pertsona fisikoa nor den jakin edo identifikagarria izateko bidea ematen duen edozein informazioa badute.

Kontratuan datu pertsonalen erabilera kontuan hartzen baldin bada, edo enpresa kontratistaren edo azpikontratistaren sarbidea horrelako datuetara aurreikusten baldin bada, honako arauak hauek beteko dira:

1. Datuak erabiltzeko arduradunaren jarraibideen arabera erabiliko ditu datuak kontratistak.
2. Erabiliko diren datu pertsonalak kontratu hau gauzatzeko beharrezkoak direnak baino ez dira izango, eta ezin izango dira erabili bestelako xedeekin.
3. Kontratu hau gauzatzeko erabiliko diren datuak ez zaizkio inori emango. Hori horrela, kontratistak konpromisoa hartzen du datu horiek edo datu horiek inon erabiltzeko ez jakinarazteko, eskualdatzeko, emateko edo agerrarazteko besteri inolako bidez (ahoz, idatziz, posta elektronikoz, paperez edo sarbide



- informatikoz); ezta bistaratzeko ere.
4. Abenduaren 13ko Datu Pertsonalak Babesteko 15/1999 Lege Organikoaren 10. artikuluan xedatutakoa betez, kontratu honen gauzatzean arituko diren kontratistak eta gainerako eragileek isiltasuna gorde beharko dute zenbait daturen inguruan. Isiltasun gordetzeko behar hori kontratua amaitu ondoren ere izango da indarrean.
 5. Abenduaren 13ko Datu Pertsonalak Babesteko 15/1999 Lege Organikoak xedatutakoa betez, kontratu honen gauzatzearen ondorioz, kontratistak konpromisoa hartzen du datu pertsonalen segurtasuna bermatzeko, eta horretarako, neurri tekniko, administratibo eta eraketako guztiak hartuko ditu. Ildo horretatik, honako arau hauek beteko ditu:
 - a) Lanei ekin aurretik, enpresa esleipendunak kontratazio-organoari datu hauek eman beharko dizkio: datu pertsonaletara sarbidea izango duten langile guztien izena, abizenak, zereginak eta lana egingo duten lekua. Kontratua gauzatzen den bitartean aldaketaren bat egin behar izanez gero, alta edo baja eman langileren bati, enpresa esleipendunak haren berri emango du astebeteko epean, aldaketa gertatzen den egunetik kontatzen hasita. Enpresa esleipendunak nahiz aipatutako langile horiek konpromisoa hartu behar dute idatziz isiltasun profesionala gordetzeko datu pertsonalez.
 - b) Enpresa esleipendunak segurtasun neurri egokiak hartu beharko ditu, plegu honetan azaltzen diren tratamendu zentroak, ekipoak, lokalak eta programak behar bezala erabiltzeko.
 - c) Kontratu honen xedea diren lanak bukatu eta gero, datu pertsonalak izango dituzten euskarri guztiak itzuliko ditu enpresa esleipendunak, edo horrelako datuak izango dituzten fitxategiak ezabatu edo deuseztatuko ditu. Deuseztapena era egokian egingo da, hau da, datuak berreskuratzeko aukerarik ez izateko. Fitxategiak itzultzeko edo deuseztatzekeo egiaztapena akta bidez egingo da, enpresa esleipendunaren ordezkariak eta lanen zuzendariak sinatuko duten akta horretan azalduko da ekintza hori.
 6. Kontratua indarrean egongo den bitartean, EEEk kontrolak egiteko eskubidea izango du, ezarritako segurtasun neurriak, eta hala badagokio, neurri zuzentzaileak behar bezala betetzen direla egiaztatzeko.

19.3 Isilpekotasuna

Esleipendunak kontratatutako zerbitzuei buruz ezagutu ditzakeen datu guztiak isilpekotzat jotzen dira eta beraien identitate eta sekretua gorde behar ditu.

Esleipendunak aurreko paragrafoan adierazitakoa betetzen ez badu, datu pertsonalak babesteko legeriak ezartzen dituen erantzukizunez gain, EEEk eskubidea izango du kalte-ordaina eskatzeko, hala badagokio.

20 LAGAPENA ETA AZPIKONTRATAZIOA

a) Kontratuaren lagapenerako legezko eskakizunei dagokionez, SPKLeko 209 artikuluan zehaztutakoa bete beharko da. Dena dela ere, EEEk alde aurretik eta berariaz baimendu beharko du kontratuaren lagapena. Kontratua ezin izango da laga, berau esleitzeko arrazoi erabakigarriak jatorrizko kontratistaren gaitasun pertsonal edo teknikoak izanez gero.

b) Azpikontratistek SPKLeko 210 artikuluan zehazten diren xedapenak bete behar ditu. EEEri azpikontratu hori adierazten dion idatzian, aipatutako xedapen horiez gain, azpikontratua egikaritzeko baldintza teknikoak ere azaldu beharko dira.

Nolanahi ere, azpikontratazioek honako baldintza hauek bete beharko dituzte:



- (i) Kontratastak aldeaz aurretik jakinarazi behar dizkio EEERI idatziz egin nahi dituen azpikontratu guztiak, azpikontratista bakoitzari lotutako kontratuaren aldea adieraziz.
- (ii) EEERek aldeaz aurretik onartu behar du.

Hala ere, jakinarazitako azpikontratazioa ez onartzeko eskubidea bere gain hartzen du EEERek, baldin eta proposatutako azpikontrataren gaitasun teknikoa nahiko egiaztatuta ez badago, edo azpikontratua gauzatzeko baldintza teknikoak aski bermatuak ez badaude.

Azpikontratuak jatorrizko kontratistaren mende geratuko dira eta jatorrizko kontratista hori izango da, EEERI dagokionez, Plegu honetan eta kontratuan zehazten diren betebeharren ardura izango duena.

21 HIZKUNTZA BALDINTZAK ZERBITZU KONTRATUETAN

Azterlanak, txostenak, proiektuak eta kontratu honi lotutako gainerako lanak EAEko hizkuntza ofizial bietan egingo dira. Horren barruan sartzen dira software guztien testuzko eta entzunezko interfazeak.

Kontratuak herritarrei zerbitzuak ematea eskatzen duenean, kontratua gauzatzeko ardura duen enpresaren eta zerbitzuaren erabiltzailearen arteko ahozko komunikazioetan eta komunikazio idatzietan erabiltzaileak aukeratutako hizkuntza erabiliko da.

Berariaz inolako aukerarik egiten ez bada, kontratua gauzatzeko ardura duen enpresak pertsona fisikoei eta juridikoei egiten dien era guztietako jakinarazpen eta komunikazioak hizkuntza ofizial bietan egingo dira, fakturak eta zirkulazioko bestelako agiriak barne. Hala ere, prestazioaren jasotzaileak edozein unetan erabil dezake hizkuntza aukeratzeko eskubidea eta, ondorioz, nahi duenean eskatu ahal izango du hizkuntza ofizialetako bakar bat erabiltzea.

Administrazio kontratu-egilearekiko harremanetan, normalean euskara erabiliko da. Kontratua gauzatzeari begira, hauxe da "normalean euskara erabiltzea": a) ahozko komunikazioetan, euskaraz dakien langileek euskaraz egingo dute, hasiera baten, kontratua gauzatzeko zereginak direla eta administrazio kontratu-egilearekin harremanetan jartzen direnean. Administrazio kontratu-egilea euskaraz zuzentzen ari den langile bati eta horrek hizkuntza behar bezala menperatzen ez badu, kontratua gauzatzeko ardura duen enpresak berehala jarri beharko ditu euskara behar bezain ondo dakiten langileak edo bitartekoak, kontratuaren ondorioz administrazioarekin burutu beharreko harremanak euskaraz izan daitezen, eta b) komunikazio idatziak euskaraz eta gaztelaniaz egingo dira, salbu eta igorleak eta hartzaileak euskara hutsean egitea erabakitzen badute.

22 KONTRATUAREN ARDURADUNA

Izaera teknikoko erabakiak hartzerakoan, EEERek kontratuaren arduraduna izenda dezake, kontratastak egindako lanen gaineko aholkularitza eta ikuskapen lanak egin ditzan, eta kontratazio-organoaren edo honek ordezkariatzat aukeratzen duen pertsonaren eskumena izango da kontratuaren arduradunak kontratuaren garapenez egindako jarraipenaren ondoriozko erabakiak hartzea.

Era berean, aintzat hartuko ditu Plegu honetan egotzitako zereginak. Kontratazio-organoak kontratuaren arduradunaren esku utz ditzake kontratuaren burutzapenez dituen eskubide eta ahalmenak, guztiak edo batzuen batzuk.

23 KONTRATUAREN IRAUNGIPENA/DEUSEZTAPENA

Amaitu delako, bete delako edo eten delako iraungiko da kontratua.



Kontratua iraungitzeko arrazoiak baldintza-orri honetan, Kode Zibilean eta SPKLeko 206 artikuluan zehazten direnak izango dira. Baita honako arrazoi hauek ere:

(i) Baldin eta kontratua gauzatzeko garaian, hirugarrenen ekintzen ondorioz, kontratua gauzatzea ezinezkoa balitz ikuspuntu tekniko nahiz ekonomikotik, bidezkoa litzateke, EEEk egokitzat jotz gero, kontratua indargabetzea, eta ondorioz, kontratistari EEEk eskatu eta bere horrexetan gauzatutako lanak ordainduko litzaizkioke soilik, arrazoi honengatik EEEri kalte-ordaina eskatu edo erreklamazioa egitea bidegabekoa delarik.

(ii) Kontratistaren berandutza kontratuan adierazitako lanak egiteko epea betetzerakoan.

(iii) Kontratuan ageri diren gainerako funtsezko betebeharrak ez betetzea.

Ezarritako baldintzen arabera arrazoi hauetako edozein gertatuz gero, EEE baimenduta egongo da kontratua indargabekotzat jotzeko, eta Plegu honen eta indarreko araudiaren arabera dagokion kalte-galeren ordaina eskatu ahal izango du, betearazpen subsidiarioaz baliatzeko aukera barne, egin gabe geratu diren betebeharrak gauzatuz edota lanak gauzatzen jarraituz, berez edo egokitzat jotzen dituen pertsona edo enpresen bitartez, kontratistaren kontura.

24 JURISDIKZIO ESKUDUNA

Jurisdikzio Zibileko Epaitegiak izango dira (SPKLeko 21.2 artikulua) kontratu hau prestatzean, esleitzean, interpretatzean, betetzean eta amaitzean sor daitezkeen auziak erabakitzeke eskudunak, eta bi aldeak borondatez jartzen dira Bilboko epaitegi eta auzitegien mendean. Era berean, berariaz egiten diete uko erabilgarri izan ditzaketen bestelako foroei.



I. ERANSKINA

ZEHAZTAPEN TEKNIKOEN TXOSTENA

EGIN BEHARREKO LANEN IRISMENA

Hasierako egitasmogaia egiteko, abiapuntua honako bideragarritasun azterlan hau izango da: "Aizarnazabalen (Gipuzkoa) baso-biomasa bidezko sorkuntza-instalazio bati buruzko azterlana", 2009ko uztailean EEEK egindakoa.

Hasierako egitasmogaia gutxienez informazio hau bildu beharko du:

1 – Planta jartzeko aukeratutako kokalekuaren bideragarritasuna

Honako alderdi hauek egiaztatu beharko dira:

- ✓ Aizarnazabalgo Udalaren hirigintza araudiek ahalbidetzen dutela planta egitea aukeratutako lekuan.
- ✓ Erabilgarri dagoen azalera edo eremua egokia dela plantak behar duen espaziorako.
- ✓ Jartzeko lekua aproposa dela plantak dituen behar hauei begira: sarbideak, ura, elektrizitatea bideratzea, ingurumenaren inguruko araudiak, etab.
- ✓ Lurrak kalitate ziurtagiria duela (IHOBE).
- ✓ Beste batzuk.

2 – Plantaren definizioa

Biomasa bidezko sorkuntza planta deskribatuko da eta instalazioaren irismena zehaztuko da, gutxienerako dimentsionamendua 10 MWe izango dela kontuan hartuta.

- ✓ Obra zibila.
- ✓ Biomasa prestatzeko azpiegitura.
- ✓ Biomasa-galdara.
- ✓ Lurrun bidezko turbosorgailua.
- ✓ Hozteko sistema.
- ✓ Gasak arazteko sistema.
- ✓ Ura tratatzeko sistema.
- ✓ Isurketak.
- ✓ Instalazio elektrikoa.
- ✓ Erregulazio eta kontrol sistema.
- ✓ Beste batzuk

3 – Biomasa horniketa

Honako aspektu hauek definituko dira:

- ✓ Plantaren premiak asetzeko, hilerio bermatu behar den biomasa kantitatea; baita haren ezaugarriak ere.
- ✓ Biomasa biltegitratzeko premiak eta behar den azalera.
- ✓ Beste batzuk.

4 – Sare elektrikoarekiko lotura

Hau zehaztuko da:

- ✓ Sare elektrikoarekin lotzeko gunea.
- ✓ Kostu ekonomikoa.
- ✓ Lotura egiteko egin behar diren jardueren denbora.

5 – Soberakindun beroaren erabilerak

Bero horren erabilerak aztertuko dira, honako alor hauetarako:

- ✓ *District heating sistematarako.*
- ✓ Erabilera industrialetarako.



✓ Beste batzuetarako.

6 – Egitasmoaren bideragarritasun ekonomokoari buruzko azterlana (hasierakoa)

Bideragarritasun ekonomokoari buruzko azterlanak hasierako proposamen bat egingo du biomasaren balioaz edo ordainketaz, *Project-Finance* deritzon finantzaketa duten egitasmoetan ohiko egitasmo-errentagarritasun baterako.

Ildo horretatik, biomasaren prezioaren inguruan errentagarritasunaren sentsibilitateaz azterlan bat (TIR eta PB) egin beharko da; baita instalatuko den potentziari buruz ere; betiere, 10 MWe baino potentzia handiagoa instalatzeko biomasa egongo balitz, errentagarritasuna ekarriko lukeena, biomasaren truke prezio handiagoa ordaintzeko aukera izanik.

7 – Planta eraikitzeko edota ustiatzeko behar diren baimenak

Planta eraikitzeko edota ustiatzeko behar diren baimenak zehaztu beharko dira, udal, industria edo ingurumenari lotutakoak.

Era berean, baimen horiek eskuratzeari begira, planifikazioa jasoko duen zirriborroa egingo da.

8 – Beste batzuk

Esleipendunak egitasmoaren bideragarritasunerako garrantzitsutzat jotzen dituen beste alderdi batzuk, horrelako instalazioetan dituen esperientzian eta ezagutzan oinarrituta.



II. ERANSKINA

LIZITATZAILEAREN ARDURA-ADIERAZPENA, ADMINISTRAZIO PUBLIKOekin KONTRATATZEKO DEBEKURIK EZ DUELA EGIAZTATZEKO

Izen-abizenak:
Nortasun Agiri Nazionalaren zenbakia:
Ordezkatzen duen enpresa:
Enpresaren Identifikazio Fiskaleko Kodea:
Enpresaren bulegoen helbidea:

ADIERAZTEN DUT: Egiaztatzen dut ez nik, ez ordezkatzen dudan merkataritza-sozietateak ez dugula urriaren 30eko 30/2007 Sektorre Publikoko Kontratuen Legearen 49. eta 50. artikuluetan araututako kontratatze debekurik. Halaber, indarrean dauden xedapenekin bat etorriz, egiaztatzen dut enpresak egunean betetzen dituela zerga-betebeharrak eta Gizarte Segurantzarekikoak. Hori guztia egiaztatzen duten agiriak eta dokumentuak aurkezteko konpromisoa hartzen dut kontratua formalizatu baino lehen, horren esleipenduna izango banaiz.

[...]n, 2011ko []aren(e)an.

[Enpresaren/lizitatzzailearen izena]
Ahalordez



III. ERANSKINA

PROPOSAMEN EKONOMIKOA

Izen-abizenak:
Nortasun Agiri Nazionalaren zenbakia:
Ordezkatzen duen enpresa:
Enpresaren Identifikazio Fiskaleko Kodea:
Enpresaren bulegoen helbidea:

Datu horiek Kontratatorako Oinarrizko Baldintzetan agertzen den eran frogatu ostean, hau adierazten dut:

1. Aizarnazabalen (Gipuzkoa) Zubialde, S.A. plantaren ondoko lurretan hondar- eta baso-biomasa ustiatzeko instalazio baten hasierako egitasmogaia prestatzeko laguntza teknikoko zerbitzuei begirako kontratua esleitzeko antolatutako LEHIAKETAREN berri emateko EEEn Kontratatzailearen Profileen argitaratutako iragarkia ezagutzen dut.
2. Eskaintza eskaera, Zehaztapen Teknikoen Txostena eta gainerako dokumentazioa aztertu eta ezagutzen dut.
3. Eskaintza eskaeraren lehen klausulan aipatzen diren legezko eta arauzko testuak ere ezagutzen ditut.
4. Horiekin ados nago eta borondatez, bere osotasunean eta aldaketarik gabe onartzen ditut 2. eta 3. ataletan adierazten diren legezko eta arauzko dokumentu eta testuak.
5. Aipatutako kontratua gauzatzeko konpromisoa hartzen dut, esleipenduna gertatuz gero, gehieneko prezio hauen arabera: ... euro; gehi BEZari dagokion ... euro. Beraz, guztira ... euro

[...].n, 2011ko []aren(e)an.

[Enpresaren/lizitatzzailearen izena].
Ahalordez.



IV. ERANSKINA

ENPRESA LIZITATZAILEAREN OINARRIZKO DATUAK

Enpresa lizitatzaillearen izena	
IFK / IFZ Jarduera nagusia	
Helbide soziala	Zentrala:
	Bulegoak EAEn:
Harremanetarako	Harremanetarako pertsona:
	Helbidea:
	Tel.:
	Faxa:
Langile-kopurua	e-mail:
	Guztira:
Negozio bolumena	EAEn:
	Guztira:
Akziodunen edo enpresa taldearen izena	EAEn:
Kudeaketa sistemen ziurtapena (ISO, UNE edo baliokideak)	